

45

中國名山勝蹟志叢刊
沈雲龍教授主編

揚

州

圖


K928.3/39:2

上海
地圖出版社

卷一百一十五

卷一百一十五

卷一百一十五



中國名山勝蹟志叢刊第五輯
沈雲龍主編

揚州圖

(二)

經

焦江

循藩輯

文海出版社

有限公司
印行

揚州圖經



揚州圖經卷三

事志三 唐

唐高祖武德二年四月丁未隋禦衛將軍陳稜以江都來降以稜爲揚州總管

資治通鑑一百八十七

高祖紀武德二年九月辛未賊帥李子通據江都僭稱

天子國號吳

劉昫舊唐書一

八月沈法興旣克毘陵謂江淮之南指撝可定都毘陵性殘忍將士小有過卽斬之由是其下離怨時杜伏威據歷陽陳稜據江都李子通據海陵俱有窺江表之心法興軍數敗會子通圍稜於江都稜送質求救於法興

及伏威法興使其子綸將兵數萬與伏威共救之伏威
軍清流綸軍揚子相去數十里子通納言毛文深獻策
募江南人詐爲綸兵夜襲伏威營伏威怒復遣兵襲綸
由是二人相疑莫敢先進子通得盡銳攻江都克之稜
奔伏威子通入江都因縱擊綸大破之伏威亦引去子
通卽皇帝位國號吳改元明政丹陽賊帥樂伯通帥眾
萬餘降之子通以爲左僕射

資治通鑑一百八十七

武德三年六月癸酉詔隋帝及其宗室柩在江都者爲
營寔置陵廟以故宮人守之

宋祁等唐書一

是歲李子通渡江攻沈法興取京口法興棄毗陵奔吳

郡於是丹陽毘陵等郡皆降於子通杜伏威遣行臺左僕射輔公祏將卒數千攻子通以將軍闞稜王雄誕爲之副子通敗走公祏逐之反爲所敗還閉壁不出王雄誕曰子通無壁壘又狃於初勝乘其無備擊之可破也公祏不從雄誕以其私屬數百人夜出擊之因風縱火子通大敗降其卒數千人子通食盡棄江都保京口江西之地盡入於伏威

資治通鑑一百八十八

武德五年八月葬隋煬帝於揚州

舊唐書一

考異曰實錄武德三年六月癸巳已有詔葬隋帝及子孫此又云葬煬帝蓋三年李子通猶據江都雖有是詔

不果葬也

資治通鑑註
一百九十

武德六年八月壬子淮南道行臺左僕射輔公祏反乙

丑趙郡王孝恭討之

唐書

初杜伏威與公祏相友善祏年長伏威兄事之軍中謂之伯父畏敬與伏威等伏威浸忌之乃署其養子闕稜爲左將軍王雄誕爲右將軍潛奪其兵權公祏知之怏怏不平與其故人左遊仙陽爲學道辟穀以自晦及伏威入朝留公祏守丹陽令雄誕典兵爲之副陰謂雄誕曰吾至長安苟不失職勿令公祏爲變伏威既行左遊仙說公祏謀反而雄誕握兵公祏不得發乃詐稱得伏

威書疑雄誕有貳心雄誕聞之不悅稱疾不視事公祐
因奪其兵使其黨西門君儀諭以反計雄誕不可屈縊
殺之公祐又詐稱伏威不得還江南貽書令其起兵大
修鎧仗運糧儲尋稱帝於丹陽國號宋修陳故宮室而
居之乙丑詔襄州道行臺僕射趙郡王孝恭討公祐武
德七年三月丙戌趙郡王孝恭破公祐於蕪湖拔梁山
等三鎮辛卯安撫使任瓌拔揚子城廣陵城主龍龕降
資治通鑑
一百九十

武德七年三月己亥以孝恭爲東南道行臺右僕射李
靖爲兵部尚書頃之廢行臺以孝恭爲揚州大都督靖

爲府長史同上

河間王孝恭傳總管李靖又下廣陵城拔揚子鎮公祐窮蹙棄丹陽東走孝恭命騎將追之至武康擒公祐江南悉平授東南道行臺尚書左僕射後廢行臺拜揚州

大都督舊唐書六十

太宗貞觀十年二月乙丑以越王貞爲揚州都督資治通鑑

一百九十四

長孫無忌傳貞觀二十一年無忌遙領揚州都督舊唐書六

五十

貞觀二十二年三月庚子隋蕭后卒詔復其位號諡曰

愍使三品護葬備鹵簿儀衛送至江都與煬帝合葬資治

通鑑一百

九十八

高宗紀龍朔元年九月以雍州牧幽州都督沛王賢爲

揚州都督

舊唐書四

龍朔二年十二月以并揚荆益四都督府并爲大都督

府沛王賢爲揚州大都督

同上

王璵傳上元二年璵兼揚州長史御史大夫充淮南節

度使

同上
一百三十

武后紀嗣聖元年九月柳州司馬徐敬業僞稱揚州司

馬殺長史陳敬之據揚州起兵自稱上將以匡復爲辭

同上
六

武則天光宅元年諸武用事唐宗室人人自危眾心憤
惋會眉州刺史英公李敬業及弟懿匡令敬猷給事中
唐之奇長安主簿駱賓王詹事司直杜求仁皆坐事敬
業貶柳州司馬敬猷免官之奇貶栢蒼令賓王貶臨海
丞求仁貶黔令求仁正倫之姪也懿匡尉魏思溫嘗爲
御史復被黜皆會於揚州各自以失職怨望乃謀作亂
以匡復廬陵王爲辭思溫爲之謀主使其黨監察御史
薛仲璋來奉使江都令雍州人韋超詣仲璋告變云揚
州長史陳敬之謀反仲璋收敬之繫獄居數日敬業乘

傳而至矯稱揚州司馬來之官云奉密旨以高州酋長
馮子猷謀反發兵討之於是開府庫令士曹參軍李宗
臣就錢坊驅囚徒工匠授以甲斬敬之於繫所錄事參
軍孫處行拒之亦斬以徇僚吏無敢動者遂起一州之
兵復稱嗣聖元年開三府一曰匡復府二曰英公府三
曰揚州大都督府敬業自稱匡復府上將領揚州大都
督以之奇求仁爲左右長史宗臣仲璋爲左右司馬思
溫爲軍師竇王爲記室旬日間得勝兵十餘萬移檄州
縣敬業求得人貌類故太子賢者給眾云賢不死亡在
此城中令吾屬舉兵因奉以號令楚州司馬李崇福帥

所部三縣應敬業盱眙人劉行舉獨據縣不從敬業遣其將尉遲昭攻盱眙詔以行舉爲游擊將軍以其弟行實爲楚州刺史甲申以左玉鈴衛大將軍李孝逸爲揚州道大都督將兵三十萬以將軍李知十馬敬臣爲之副以討敬業魏思溫說敬業曰明公以匡復爲辭宜帥大眾鼓行而進直指洛陽則天下知公志在勤王四面響應矣薛仲璋曰金陵有王氣且大江天險足以爲固不如先取常潤爲定霸之基然後北向以圖中原思溫曰山東豪傑以武氏專制憤惋不平聞公舉事皆自蒸麥飯爲糧伸鋤爲兵以俟南軍之至不乘此勢以立大

功乃更蓄縮自謀巢穴遠近聞之其誰不解體敬業不從使唐之奇守江都將兵度江攻潤州丁酉追削李敬業祖考官爵發冢斲棺復姓徐氏徐敬業聞李孝逸將至自潤洲回軍拒之屯高郵之下阿溪使徐敬猷逼淮陰別將韋超尉遲昭屯都梁山孝逸軍至臨淮偏將雷仁智與敬業戰不利孝逸懼按兵不進殿中侍御史魏元忠謂孝逸曰天下安危在茲一舉四方承平日久忽聞狂狡注心傾耳以俟其誅今大軍久留不進遠近失望萬一朝廷更命他將以代將軍將軍何辭以逃逗撓之罪乎孝逸乃引軍而前壬寅馬敬臣擊斬尉遲昭於

都梁山十一月辛亥以左鷹揚大將軍黑齒常之爲江南道大總管討敬業韋超擁眾據都梁山諸將皆曰超憑險自固士無所施其勇騎無所展其足且窮寇死戰攻之多殺士卒不如分兵守之大軍直趣江都覆其巢穴度支使薛克構曰超雖據險其眾非多今多留兵則前軍勢分少留兵則終爲後患不如先擊之其勢必舉舉都梁則淮陰高郵望風瓦解矣魏元忠請先擊徐敬猷諸將曰不如先攻敬業敬業敗則敬猷不戰自擒矣元忠曰不然賊之精兵盡在下阿烏合而來利在一決萬一失利大事去矣敬猷出於博徒不習軍事其眾單

弱人情易搖大軍臨之駐馬可克敬業雖欲救之計程必不能及我克敬猷乘勝而進雖有韓白不能當其鋒矣今不先取弱者而遽攻其強非計也孝逸從之引兵擊超超夜遁進擊敬猷敬猷脫身走庚申敬業勒兵阻溪拒守後軍總管蘇孝祥夜將五千人以小舟渡溪先擊之兵敗孝祥死士卒赴溪溺死者過半左豹韜衛果毅漁陽成三朗爲敬業所擒唐之奇給其眾曰此李孝逸也將斬之三朗大呼曰我果毅成三朗非李將軍也官軍今大至矣爾曹破在旦夕我死妻子受榮爾死妻子籍沒爾終不及我也遂斬之孝逸等諸軍繼至戰數